

R 274
42
453666

伤科彙纂

清·胡廷光 编

人民卫生出版社



R274
2

傷 科 彙 纂

清·胡 廷 光 編

人民卫生出版社

內 容 提 要

本书是收輯清以前有关伤科文献資料經整理而成，內容比較丰富，对临床及研究很有参考价值。原书系手抄本，从未刊印，今据抄本加工出版。

全书共12卷。第一、二卷記叙伤科理論及解剖問題；第三卷介紹手法及治疗器械；第四、五卷介紹內、外各証，并附医案、治驗数十則；第七、八卷介紹用藥处方。第九至十二卷，系本书的后集，亦即正集的补遺，一部分介紹伤科应用的本草；一部分按致伤性质列病40余种。所以本书不仅有助于临床应用，而且对研究中医伤科，本书也提供了不少文献資料。

本书可供中西外科医师临床或研究参考。

伤 科 汇 纂

清·胡廷光編

人民卫生出版社出版

(北京市崇文区东便门内大街10号)

兰州部队八一印刷厂印刷

新华书店北京发行所发行

787×1092毫米32开本 254千字

1962年2月第1版第1次印刷

1981年12月第1版第3次印刷

印数：6,501—28,700

统一书号：14048·2645 定价：1.30元

出版說明

伤科是祖国医学中的一門专科。历代以来，通过不断的实践，其內容日趋丰富，对保障我国人民的健康，起着很大作用。但是，伤科的专著，流傳較少，大部分資料散見于各医书或其他有关书籍之中。因此，汇集有关文献資料于一冊，对于研究中医伤科学，是很必要的。本书在一定程度上，滿足了这一要求。

本书系清嘉庆間所輯的手抄本，从未刊行。从书中所輯資料来看，与現存一般伤科医籍相較，內容比較丰富。可以說是輯集了清代以前有关伤科的主要文献。如作者所說：“是书，凡属有关跌閃伤損之論，无不搜罗……設或专门口授手法，以及村姬野叟单方，若經試驗，尽皆叙入”。就本书的实际內容来看，所輯資料，其範圍，确是比較广泛的。既有理論，也有临床实践；有解剖知識，也有外治手法。內容編排較明晰，資料也較集中。因此，本书对于临床与研究，确有一定帮助。茲据原手抄本，予以排印出版。

但是，本书成于距今一百多年以前，由于当时的社会条件的关系，在資料取舍上，难免有些不全符合我們今天的要求。这类資料，虽然在全书中所占比重不大，但为了使本书更好地为讀者服务，我們根据不同性質，作了不同处理：凡內容玄虛无稽或宣揚封建迷信而于学术上毫无参考价值的，概予刪节。凡观点和提法虽有不当不妥之处，但在学术上尚有一定参考价值，暫予保留。

因此，希望讀者本着古为今用的原則，有选择、有批判地閱讀，使本书能很好地發揮它的应有的作用。

人民卫生出版社

1961年7月

序

粵自月輪产树，号托药王，雷部遺礎效收律令。盖药之为用，既成形成象于天文；而医必有傳，經作者述者于圣哲。是以炎暉紀物，彰收采之期；云瑞名官，察診候之术。与夫邪风据古，远志称藟；尔正証今，冰台即艾。詎惟盲史，載鞠穷麦麴之名；何止蒙庄，著鸡壅豕零之品。然而毒尝七十，神奋赭鞭；病有亿千，誰探金匱。縱图經証对，代出专家；而素問灵樞，难窺秘奥。此疾除无妄，臂折九而医始称良；业貴有恒，世历三而药才可服也。矧夫医学之有伤科也，职任瘍医，隶属天官之掌；瞻伤命理，典詳月令之文。辨症則内外分科，論治必本末兼理。乃正骨正体，书以約而欠賅；攻腹攻心，法以繁而寡要。茫茫先正，率因陋就簡之是仍；种种疮痍，将号泣呻吟而誰救。脱令变生肘腋，明夷占左股之殘；禍甚膏肓，雷火筮右肱之折。援手者怒偏逢彼，絕殯者戚只自貽。良其背而厉且熏心，駝应类橐；鼎顛趾而跛何能履，足竟如藟。嗟輔車之失依，頤已顛而莫朵；叹籛條之不殄，脐即噬而何功。非无虑切如伤，隐忧徒結；轉冀喜符勿药，待毙奚疑。更或短狐喫影，瘦狗駭人。鼠甘口而为灾，蝮螫腕而必断。入深即密，詎豺虎之可投；見小忽微，虽蜂蠆其有毒。凡諸痛苦，并在阽危；求厥方书，嗟无善本。乃吾乡晴川胡君，术究彭咸，书精和緩。綴珠囊之三洞，学本趋庭；汇玉冊于庚辛，情殷憫世。凡夫药詩茶对，蜂紀龟經；均流貫于胸中，每瀾翻于舌底。示枕中之秘笈，尽属完书；纂篋衍之伤科，特来問序。余也长无著述，慚朱氏之五經；幼却虛羸，类李家之百药。猥以分校木天之暇，泛寻稗海之支。

蠶曰疗伤，粗識寄奴之号；吉財解蠱，閑征潜取之形。茲也閱此簡編，綜其嵯略。繪圖子細，手法与接法兼傳；叙論丁宁，歌訣与丹訣并舉。方以类聚，証則分門。稿經三易而始定，时更七載以犹羸。統覽搜罗之包括，益征經緯之精研。允推此道专家，宜交割闕；从此留心問世，倍显渊源。彼夫录瑣事于秘辛，騁多能于遁甲；借工笔札，殊耗居諸。問鷄峰备急之抄，未免口呿而舌絳，拾兔园冊子之慧，无非貌合而神离。未見书只是嬌花寵柳，乾驥子紛然禍枣灾梨。豈知儒門事亲，虽薄方抄为小道；上药医命，允資停毒于太和。凡为有用之文章，必属生民所利賴。用垂不朽，业有先机；率复典签，敢劳垂諉。此序。

时嘉庆二十一年岁在丙子四月浴佛日

賜进士出身翰林院編修山西道
監察御史盛唐蘆汀氏书于京邸

凡物以适用为貴，苟无所用，虽珠玉綺罗，曾不如米谷之疗飢，裘褐之御寒也。窃惟著书之道亦然，从古圣贤經世立教，所言皆性命之精，民彝日用之常，故其书与天地并垂不朽。其次則先儒格言，讲学明道，使人心知所趋向，抑亦为圣贤之功臣。若夫諸子之支离曼衍，詞人之月露风云，虽极浩繁，无关实用，其与珠玉罗綺，徒供耳目之玩者，相去几何。而近世文人染翰操觚，摭拾綴輯，思欲自成一家言，以表見于天下后世。卒之作焉而不傳，傳焉而不久，灾梨禍枣，于世奚裨。夫大道虽云不器，而一艺必有可觀。与其殫思竭慮，費笔墨于虛浮无用之辞。孰若方技者流，专精深造，勒为一編，犹易傳而可久耶。顧星命堪輿，其理幽渺而难測，其說恍惚而无凭。惟医家一种，方药乍投，成亏立見，所謂判得失于毫厘，轉存亡于呼吸者，于是乎在。故医道之流傳，其术为近仁，而其用为至切。余尝見世之业医者，其于辨药性、审脉候、分經絡、治荣卫之法，言之凿凿，所在俱有通人。至于跌扑損折、虫兽嚙伤等症，变生俄頃，危在旦夕，往往束手而不能救，甚至通都大邑，求一接骨上髻起死回生之人不可得。毋乃內治之易于藏拙，而外伤难于奏功乎？抑內治諸书，古人著作已富，而外伤各条，紀載未备，是以师傳絕少乎？余于軒岐之术，素未究心，然性好檢閱本草綱目等书，又爰手录經驗奇方，以为行李仓皇应变拯危之計。今夏侨寓都門，山阴陈子予平携蕭山晴川胡氏所輯伤科汇纂一书，余披覽数过，虽未能割晰精微，然觀其图象之詳，門类之全，方法之备，縷析条分，了如指掌。使业医者讀之，无难为专门名家，即素不善医者，篋藏一帙，亦可救猝然之急。則是书之为用，真无异米谷之可以疗飢，裘褐之可以御

寒也。余卜其必傳，且傳之必无不久。以視世之撫拾浮詞，綴輯韻語，而迄无成功者，其得失何如哉。晴川自叙有云：校訂七載，稿經三易。良非虛語。余嘉其用意之勤，而有合于古仁人君子博愛之心也，于是乎書。

時嘉慶二十二年歲次丁丑九月望后三日

賜進士出身翰林院庶吉士西夏俞登淵
陶泉氏書于京寓之藤月山房

題 詞

人生天地当有为，不为良相为良医，弗能举手起疮痍，究于人世終何裨。晴川先生卓犖資，矯然长驅来京师，玉树临风好容仪，朝考夕稽神忘疲。賤子耳熟不相知，暗暗心訝称英奇，去岁花时乃見之，握手各恨相見迟。晨晡过从情怡怡，清談彻骨沁心脾，細穷牛毛析駸駸，雄縛虎豹却熊羆。自言于学无不窺，尤承庭訓精軒岐，按經格物評參耆，秤水制丸辨毫厘。伤科一帙先人貽，摩挲手澤涕漣漣，網罗搜討右手胝，年将十稔功孜孜。更有各类当补遺，附諸卷后尽寸私，非敢妄招燕雀嗤，勉成先志在此而。我聞舌舛轉移时，羨君行誼乃如斯，初欽豁达不可羈，今欽著述本孝思。自怜劳碌貌植鱗，愿借瑤函驅狐疑，携归灯下先校厘，繪图仔細光陆离。手法按摩堅且垂，序論叮嚀詳而宜，发凡起例抒鴻詞，立排众說斬乱絲。断臂拳手及顛頤，損腋洞胸折腰肢，壯趾重腿痛尻椎，都教病榻安念呬。內滋外补沐整治，虫魚草木听指麾，四然二反勿參差，譬諸矿石投瘞睢。不用癰方憫轔齧，起朽生枯立見錐，王道黜霸醇无疵，李醞之輩如儿嬉。禹鼎鑄象魅与魑，山居虎狼木石夔，射工溪毒寒风吹，獬犬黠鼠龙睚眦。蜂針搜尿蛤子瘰，各有主治詳措施，罗罗清疏便檢披，工于运古新葳蕤。蜜酢吐蛇悬累累，割額取蟹行蛟蛟，自来非常非我欺，总可貫通一理推。沙磧漠漠四边陲，穷乡僻壤江海湄，偶罹疾疢合属悲，衙推不到愈者誰。难得先生沛宏慈，笔舌互用兼歌詩，伤科集成同鼎彝，十二卷在非卑卑。吁嗟乎！济农开仓救民飢，活人书刻救民危，劝君急措梨枣資，俾得家庖一編功无涯。

戊寅阳月中浣

同邑弟陈金拜撰

自 叙

粵稽炎帝，嘗百草而本草經以傳，岐伯雷桐，贊襄仁術，醫學使具，蒼蒼生生，大有疵焉。迄三代以下，戰國之際，則有盧醫扁鵲，立論解經，正考訂于前；醫緩高和，知表裏里，辨陰陽于后。漢之時，張冲景作金匱玉函、傷寒等論，方法大備。暨以華陀刮骨洗腸等技，醫法極神，惜乎不傳。而唐宋之君，整理醫道，如廣濟方、廣利方、聖惠方、聖濟錄，皆集諸家之粹，以衛民生；后有宣明論、明理論、事親書、珍珠囊，各闡岐黃之秘，以开后學。至元之季，又有李東垣、王好古、朱丹溪、劉宗厚、羅謙甫、危達齋輩竟起，均推宗諸家之理，以成一家之言，其并垂不朽也宜矣。惟接骨上髒之書，雖散見于各籍，而零星記述，絕少成篇。竊思身體發膚，受之父母，不敢毀傷。豈學習岐黃，具濟人之術，秉濟世之心，而于跌扑損傷，疾痛慘怛，呼號奔救者，竟可視同秦越耶。前明薛氏醫案十六種，內有正體類要二卷，以平補之方，治傷損之証，咸遵為則，惜端接之法未備。惟准繩一書稍詳，然于骨髒筋脈，亦未明晰。欽維國朝，薄海內外，聖德覃敷。恭閱高宗純皇帝御制醫宗金鑑，實為衛生之至寶，救世之針砭，理無不賅，法无不備，蓋所謂補苴罅漏，張皇幽眇者也。余仰讀瑤函，轉憶庭訓，因先君子遺有陳氏接骨書一卷，乃專科家秘，而書中論簡未詳。是以獮祭群借，欽遵御制金鑑，正骨要旨四卷為經，以諸子百家為緯，博搜傷科諸要，更參以家傳之法，編輯成編。計續輯諸傷四十四門，附增單方一千有奇，類分六集，卷為十二，校訂七載，稿經三易。不敢自秘，付諸梨棗，以公海內，請質高明，惟望后賢勿哂以蠡測海之意云爾。

時嘉慶乙亥仲冬長至前三日

蕭山晴川氏胡廷光耀山甫叙于都門之旅舍

凡 例

余自先祖世业伤科，傳至不佞，已三世矣。代以經濟存心，不图蝇头微利。余稚幼时，先君子以人子須知一书授余不肖曰：此书实为六經之羽翼，人倫之大道，欲尽人子之道者，必从此始。是故不佞自垂髫以至弱冠，讀書而外，并留心医学。詎知不才負罪良深，資稟愚鈍，不克远紹宗功，显揚祖德，少壮之年，即遭陟屺之悲。尝闡家藏医书，系先君子所录，手澤犹存。以是不揣鄙陋，节录伤科方药諸論，增附接骨入臼諸法，采珠探玉，集腋成裘，以繼先志，如左凡例云：

一，伤科古无专门，附于瘍医也。按周官云，医师职掌四医：疾医、瘍医、食医、兽医。而瘍医分掌四症：肿瘍、潰瘍、金瘍、折瘍。而金瘍者，即金刃之伤也；折瘍者，即跌扑骨折之伤也。后有专其事者，或称正骨科，或称正体科。今即分列科門，总由损伤而成，故名之伤科。

一，是书目录，先經义而后叙骨論，次手法而再詳証治，周身骨髀，自頂及踵，次序井然，列如星布。惟方以类聚，丸散膏丹，名目不能細載，以方名字数多寡概之，如三字丸、五字散、七字丹之类，按次載录，以便翻閱。

一，灵素經文，乃医家之祖，如讀書家之五經也，其义渊源，故冠于卷首。至历朝諸家論注，散見集中者，必詳考姓氏书目，即片言只字，不敢妄襲，必按某书某氏曰。間有自述一、二条，非独逞臆見，必引古而証今，然后敢暢其說，而竟其論。

一，脉乃四診之一。损伤之症，虽有外形可觀，然其內脏虛实，血气盛衰，非察候脉息，何由悉其病情。故广引脉經，詳

为解注，以便学者参悟也。

一，針灸之文无多，非闕略而仍其旧也。但其文簡而詳，即如論刺論灸法中，兼及或攻或补之义，簡而且备。学者不可以非专科，少用針灸而忽之。

一，骨之图，骨之論，悉依《部頒經书图注》論定。間有同骨异名，或异骨同名，或一骨二、三名，或三、四骨合一名，及乎骨之大小长短，并以男女互异不等，詳參細譯，同归一轍。至骨之致命处，另为标出。

一，論筋，乃接骨上膠之要事也。經曰：諸筋皆属于节。节者骨之节膠也，专是科者能不誦乎。茲按《灵樞》經文，詳为注釋，列于簡次，知有端緒也。

一，治跌閃折骨出臼，先用手法，按摩推拿，端提摸接，然后方可用器具夹縛，至用方药，又在后也。故其次序，仍遵《金鑑》編列，稍有增补手法，悉注各骨之下。惟有用搦用竿之法，附于注后，以广其則。

一，伤科証治，悉考薛氏《正体类要》，并灵素經旨，以及各家方法，重为增訂。但以出汗附于发热之条，嘔血并入作嘔之下。較之《金鑑》，复加外邪、不食、头痛、筋攣、肝火、湿痰、青肿、难潰、不斂、伤风、发瘧諸門，虽属兼症，而发明余緒，实可以备参考。至注中議論，不过遍考經史，搜索前人著述，間或事出見聞，心怀臆断之文，敢以存俟高明，定其可否也。

一，自顛頂骨至足跟骨，詳加論注，并引手法治驗，复增咽喉、肚腹二条，以补身图之不足。

一，凡人跌閃之伤，多在手足四肢。手有肩、肘、腕三出臼之区，又有上下骨折之所；足亦有环跳、膝灣、踝骨三膠，大腿、小脛二折，左右共四折骨六出膠，与两手同。其接骨入膠，家傳秘法，无不各按諸骨图考，采录精詳，公諸同业，于医学稍有

裨益。

一，所集丸散膏丹方中，皆詳載炮制分兩，便于依方預為修合，以備急用。至湯飲煎藥方中，偶有不載分兩者，如古方之分兩，難施于今人，因稟質有強弱，病樣非一致，又如時方之無分兩者，可因人變通，增減為用也。更有古方，藥味分兩與今不同者，盡皆詳考群書，別其宜否而載之。

一，拙纂損傷、嚙傷等門，即《金匱要略》云：金刃虫兽所傷，非內外因也。然其條下集附單方，不可執定此傷而用此藥，總緣病無別致，方可通用也。

一，所附單方，即古之奇方也，本諸百家子書所錄，皆系效驗。竊恐用此者，或見笑于大方，以致良璧懷疑，明珠見棄。故特為表出，使窮鄉僻壤無醫之處，按症選方，甚便甚捷。

一，是書凡屬有關跌閃傷損之論無不搜羅，而片言只字似無遺漏，設或專門口授手法，以及村姬野叟單方，若經試驗，盡皆叙入。東坡云：若已經效于世間，不必皆從于己出。惟法近怪異，藥用胎骨之類，一概屏棄。卷盡十二，科專一門，學者珍之。

洛思山山人晴川胡廷光又題

同邑 陸 崑(宗漢) 鍾 峻(云章) 陳 金
(賂南) 谷 蘭(松音) 校訂


耀山曰：身骨尺寸之图，其文载于《内经》、《灵枢》之篇，此成法长度也。然而身有修短不齐，皆取本人中指中节为一寸之法，是合度耳。更有上身長而下身短，以及首大而足小者，其何以度量哉？惟取上身者，取上之尺寸，取下身者，取下之尺寸，直者取直，横者取横，无不合度矣。至于骨之名目，及部位等穴，似有不同之处。今校各书所载，统繪图中，詳注骨下，以便閱者参考而归于一也。




应刺穴图



应灸穴图



应针灸图



正面骨度尺寸图